

魯一同邳州志謂

本朝州縣官習凡三變而皆洞悉其原因識何卓也今新政備舉一變至道不式先民而徒襲外人之規則邯鄲步矣謹詳錄政績而名宦因以著焉

齊即墨大夫逸其名威王召而語之曰自子之居即墨也毀言日至然吾使人視即墨田野闢人民給官無留事東方以寧是子不事吾左右以求譽也封之萬家

田單齊諸田疏屬燕樂毅破齊單東保即墨城中推為將軍以拒燕單計破燕軍復七十餘城迎襄王立之詳史記本傳

關門慶忘漢膠東內史治官民皆有廉即學官弟子至大夫郎中掌故以百數詳漢書儒林傳

張敞字子高平陽人漢宣宗時膠東盜起敞自請治之拜膠東相明設購賞史追捕有功上名尚書調補縣令者數十人盜轉相捕斬國遂以平遷京兆尹詳漢書本傳祀名宦

吳祐字季英漢長垣人為膠東侯相政推仁簡以身率物有爭訢者輒閉閤自責然後以道譬之或身到閭里重相合解吏人懷而不欺還嗇夫繇性之衣取母邱長之妻獄中生子事俱詳本

傳記名官

王脩字叔治三國志營陵人守膠東令膠東人公沙盧宗強自為營壘不應調發修獨將數騎徑入其門斬盧兄弟撫慰其餘平之屢救孔融之難袁譚兄弟相攻脩切諫譚死降魏太祖欲行肉刑脩以為未可詳本傳

蔡綰洛陽人米初為膠水令循行阡陌勸課農桑吏民愛戴不忍去遂家焉曾孫齊宋史有傳記名官

劉厚洪武時任值平度改縣為州轄昌灘而城垣卑陋厚枰王鳩工因舊地而復城焉為有明州城之始

王瑄水樂時為州同洪熙元年裁冗員民言其能恤民瘼戢吏弊請復其職上從之

林恭寶雞人成化時任知州積粟數萬石歲饑民賴以濟祀名官

雷子堅綏德人正德間任知州流賊至脩城池備儲械賊知有備引去以抗論將帥失利當道惡之落職臨行留所積五百金於官祀名官

周思兼字叔夜華亭人嘉靖進士任知州躬巡郊野攜飯盂令鄉民以次舁行因盡得閭閻疾苦而蠲除之舉治行第一當遷州人走闕下以請乃留一年終廣西提學使詳明史本傳祀名官

杜志攀郟縣人崇正時任知州明敏奮發擇民所急而為之以四方多故

土城卑薄乃採石傳城高厚增於舊三尺創三門樓櫓以餘資編理廢墮文廟及狀元坊至今與城並固

李世昌鐵嶺人康熙三年任知州初賦役征額有京庫甲子庫棉花水膠等本色名目皆出正供外胥吏更於額徵之民不堪擾世昌一切革之豪猾斂迹民賴以甦

潘育岳康熙三十二年任嚴於詰盜夜戶不閉

溫文桂程鄉人康熙五十二年任州同署州事雍正初遣內閣學士何國宗視膠萊河文桂時已遷他職條奏膠萊河形勢臣為州同時所目覩不可行糧艘惟兩岸民田破水藉河為宣洩宜用民方疏濬則民不怨而田無水患國宗採其議與山東巡撫會奏止膠萊河海運

陳端泰州人雍正九年任下車即免署中陋規時徵賦擾民端採行滾單之法不柄任胥吏里無追呼而輸將自給

王化南字芾棠乾隆二十四年由庶常任知州明敏仁悌達於時務州南鄙多下濕水潦為害化南相地勢疏濬引峴河入膠並濬道寸白沙河及羅藥河涸出腴田數千頃更圓明寺為

萬壽亭並設膠東書院民至今賴之祀名宦

張度夏邑人乾隆四十八年任巡撫國泰入昌邑奸民言飭州縣按畝出夫築海隄令民墾斥鹵起課民不堪命度申於上止之新撫奏停其

役沿海民咸頌之申文畧云昌邑王汝梅思佔海濱田輒敢上書請築堤前撫未察輒以請行有司知民之苦無敢違者生令良農築糜沙難立之役歲受北風湛溺之害卑州之民隕命破家者已數百人他縣可知也州縣為民司牧此而不言不仁莫大焉敢乞奏止以蘇民命俾度等免溺職之罪云

馬振玉大荔人嘉慶十年任勤於聽斷無留獄治盜能為鉤距絕其根蔓祀名宦

方熙石埭人道光三年任洞達政體不煦煦為姑息州徵地丁舊例六厘以上即徵盈分熙間之大發為日凡奇零之征多下戶何可復重之以困窮黎立除之雖八厘勿得及分重抑豪暴獲盜即置重典羣小股眾民賴以安調山西渾源州聞平度大饑捐銀千兩來賑祀名宦

李天錫字與三安邑人道光十年任慈惠仁明刑不忘施諸生有傭車糞田者役傾所載於途而以其車送囚生訴於學正孔廣敷廣敷以為言天錫立答役而還傭車謂廣敷曰君真導吾以為理者察察之誣不當如是耶遂捐俸置公田取租以供僱役盡免民戶車馬差四境刊石頌德外此設義學恤貧苦惠政不勝書調德州聞平度饑寄千金助賑祀名宦

許榷海甯人道光十六年任善聽訟他邑有疑獄上官檄治之多所平反著有刑部比照加減成案續編洗冤錄詳義行世亦祀名宦

袁蘭祥字穆菴丹徒人同治九年署州事明豁開敏幹練有為甫入

境即出重賞購盜嚴督捕快獲符為清設義學四十餘處大興文教
高密令周某挑五龍河灌膠萊河上游平度西鄉將為澤國蘭祥率
紳民訟諸撫憲丁文誠公得直飭罷其役任一年即去民至今思之

吉燦升字劍華韓城縣人同治十年任明強有成惠抑豪強禁吏胥
尤崇文教手自批課造就多名士捐錢六千緡為士子公車路費州
之吏役伍百至千百人一見即識之不忘實行保甲訟無遁情以卓異

升濟東泰武臨道

潘氏表字振聲無錫人光緒二十二年任愛民如子遠利如仇德人踞
膠澳議租界四周海與地平百里德人謬指界外數百里割平度至

萊蘭包膠高即西割諸城繪圖索地道憲已依議民表免冠抗辦

以去任爭之乃止

申文曰卑職初八日接彭李兩道札飭赴青島途中又接信改赴塔
埠待至十四夜兩道始到原議面商阻止無如王令等同洋人前往

即高平諸指界大約周道總在七八百里卑職久未任署亦未知可到平境否但日前雖約
畧指予將來恐即為彼有卑職職司守土不得不據情上稟懇求速退竊前觀憲台致
兩道電云惟膠即與租界近須出示餘俱遠可無庸是諸高平本不在界內細繹租界
文義第一段是訂明租界里數第二段是訂明租界限止此此百里非有兩端且第一段
云允許離膠澳海而潮平周徧百里內中國里百里曰允許是已訂明曰周徧百里是言
周非言建方曰潮平百里內是言潮平內非言潮平外又曰增武備威准德國過調是言
以地與之屯兵駐船悉聽其便所以中國若須設法猶必與相商至開河是言陳島
內濠南濠北各庄有旱道一段開通船路以接兩海原在租界是以中國不得阻攔即
此二端是明明言膠澳潮平內租界百里非言膠澳潮平外更有百里彰明較著且是
開章第一義果潮平外另有百里劃界前總署早應照會何以遲至劃界完始
發此議是明明嫌租界尚未滿欲猶思狡展塔埠旱路離青島百里再加諸高
平百里渠即過調亦何須如此遠擴又內地劃處皆民田舍廬墓若任其隨意開河恐人
心不服又易啟釁端今竟含糊指予在我以為約畧指示在彼即以為確實證據將來

照第一段索地恐五州縣皆非我有在朝廷僅許以周圍百里劃界後忽添以七八百里奚
止十倍之外閒雖可彌縫恐難塞言官之口皆將誰歸俄英耳目甚近相率效尤
國家又何應付素稔大人公忠體國亦不願多以土地予人所幸此時尚未立界石猶
可設法挽回尚祈將詳細情形剴切入告祇能照約予以百里此外不知轉達總
署與該公使切實辦明不能界外指界今此所為係會勘委員誤會文義祇此
一事看作兩端轉詢德使得步進步與罇錄便生枝節殊不知各國環視德
入獨貪得無厭旁觀不平恐非德人之福作為罷論正可兩全否則五州縣人民自
去歲青島有事人情已覺洶洶今又將界外地亦指與洋人恐眾憤難平激成事
變萬一與洋人為難又將已宵旰之憂鄙見是否有當伏候憲裁卑職素有肝病
現因憂勞更形增劇懇稜恐致溺職惟求憲台速賜簡派賢員前來接替東
裝以待不勝悚惶民表性本迂拘不達時務寧可去官不能送地也